


Dienelkander



Nuusbrief van die Gereformeerde Kerk Potchefstroom-Oos

30 Junie 2019

OGGENDDIENS: Ds. Piet

Wanneer die storms van die lewe ons tref dan ontbloot dit dikwels ons eie kleingeloof. Die stormwind en water in die boot laat ons twyfel of Hy omgee, in beheer is en ons kan help! Die Here Jesus openbaar Homself hier aan sy dissipels as God wat alle mag in die hemel en die aarde het en op Wie jy kan vertrou dat Hy jou veilig deur die storms sal lei.

Die woorde van die dissipels in reaksie op die feit dat Jesus die geweldige storm op see stilmaak naamlik: "Wie is Hy", bring ons by die kern van die gedeelte. Jesus is nie net 'n mens nie, Hy is ook Almagtige God wat in beheer van alles is en wat hulle red wat in Hom glo!

Salomi Mostert kry geleentheid om vanmore belydenis van haar geloof te doen. Ons is saam met haar en haar geliefdes dankbaar dat sy by hierdie beslissende moment in haar lewe kan kom. Ons bid haar volharding en vreugde in die Here toe.

Tema: Vertrou altyd (ook in stormtye) op Jesus want Hy is God wat in beheer is en wat jou sal red!

Lofsang ter voorbereiding van die erediens

Psalm 33-3: 1, 3, 7 en Ps 65-2: 1, 3, 4

God en ons ontmoet mekaar

Intreelied: Ps 93-2: 1, 3, 4 (Mel van Ps 145);
Votum (uit Ps 89: 9 - 10); Seën; Loflied
Ps 89-1: 3, 4, 17; Geloofsbelydenis:
12 Artikels

Ons verootmoedig ons voor God

Wet uit Eks 20; Sing in reaksie op die wet:
Ps 130-2: 1, 2; Gebed

God bedien aan ons sy Woord en ons ontvang dit aktief in geloof

Skriflesing: Markus 4: 35 - 41;
Tekswerse: Markus 4: 41
Sing Sb 4-8 : 1, 2; Woordverkondiging

Ons antwoord op die Woordbediening

Sing: Ps 46-2: 1; Liefdegawe; Aflê van
geloofsbelydenis; Sing Ps 20-1: 2, 5; Gebed
vir BnB; Sing Ps 104-2: 1, 3, 4, 12, 16;
Seën; Amenlied: Sb 13-2.

AANDDIENS: Ds. Piet

Ons het vanmore gesien hoe Jesus as mens iets van sy Goddelike wese geopenbaar het deur met almag die storm op die see stil te maak en so sy dissipels tot geloofsvertroue aangespoor het.

Onmiddellik begin 'n mens wonder: God en mens? Hoe werk dit? Wat leer die Skrif daaroor en hoe moet ek in die geloof op hierdie waarheid reageer?

Tema: Christus: ware God en ware mens! Wees dankbaar oor die geheimenisvolle grense wat jou Verlosser oorgesteek het om sy taak tot jou redding te volvoer.

Vooraf met die oog op die erediens:

Lied 338: 2, 3, 4 en Lied 339: 1, 2

Ontmoetingsdiens

Intreelied Sb 2–5 : 1, 3; Votum; Seën;
Lofsang Sb 17–2: 1, 3, 4; Gebed

Woorddiens

Skriflesing Lukas 1: 26 - 45;
Fokusvers: 35 en 43;
HB Kategismus Sondag 14 – vr en antw 35;
Woordverkondiging

Antwoorddiens

Dankgebed; Liefdegawes; Sing Sb 12–2: 1, 2, 3; Seën; Amenlied Sb 13–3.

MEELEWING

- Sr Hannie Kruger (groep 1 - 083 293 0944) is in Unitas hospital opgeneem vir behandeling.

Ons bid dat die Here beterskap, herstel, bemoediging en troos sal gee.

ONS GROET

- Willie en Corrie Pelser wat met attestaat vertrek na GK Rustenburg-Wes.
- Eric Aspeling wat met attestaat vertrek na GK Messina.

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Janet vd Walt, Isak vd Walt, Tjaart Snyman, Bert Floor, Jacoba v Rooy, Magdaleen Venter, Grobbie Grobler, Blossom Pretorius, Koos en Marlene Jooste, Lana Labuschagne, Andries en Driekie Coetzee en Ed en Anette Coetsee.

ONDERSTEUNING VIR SIEKES

Vir ondersteuning of besoeke deur die hospitaalbesoeke-diensgroep, skakel hierdie week vir: siekes@oosdoppers.co.za of Em Volschenk (082 564 1940) en Elma Leijenaar (082 398 2874)
Medikliniek = 09:00-13:00 en 15:00-20:00
Mooimed = 11:00-11:30 en 15:00-16:00 en 19:00-20:00
Potch Hospitaal = 15:00-16:00 en 19:00-20:00

PROGRAM VAN DIE WEEK

Vandag

09:30 Oggenddiens
Geen Kleuterbediening
Geen Katkisasie
Tee en koffie in die Skuur

18:00 Aanddiens

Saterdag

1ste Kersmarkkeuring

NAME TER APPROBASIE VOORGEHOU VIR DIE AMP AS OUDERING:

Brs Roelf Kleynhans en Erasmus Venter.

AFKONDIGINGS

- Liefdegawe vanoggend vir Barmhartigheid (Zapper betaal-metode beskikbaar)
- Gawe by die deure vanoggend vir Ekumenisiteit: Buitelands.
- Gawes volgende Sondag vir Teologiese studentebehuising.

- Vrywillige bydrae vir voertuigsekuriteit in die bussies by die deure.
- Diensbeurte: Groep 22 en 23.

**FEBA RADIO VRA VOORBIDDING VIR
HULLE RADIOBEDIENING (FEBC) IN
MONGOLIË - RIGLYNE VIR ONS
GEBEDE VIR ONS BEDIENING NA
BUITE**

Die personeel van FEBC Mongolië het onlangs 'n kreatiewe kamp bygewoon wat deur hul Direkteur, Batjargal Tuvshintsengel, aangebied is. Tydens dié kamp is inligting oor verskillende onderwerpe verskaf, soos; die skryf van radioprogramme, redigering met *Adobe Audition*-sagteware en onderhoudstegniese. Die personeel sê die inligting het hulle touwys gemaak en dat hulle die geleentheid baie geniet het. Bid dat hulle die nuwe kennis sal gebruik om verandering in hulle gemeenskap te bring.

Die twee nuwe radiostasies in die oostelike provinsies van Mongolië gee meer as 60,000 mense die geleentheid om vir die eerste keer die evangelie te hoor. Bid dat die Here die luisteraars se harte sal voorberei om Hom te aanvaar.

Die Christelike bevolking in Mongolië het met behulp van radio-uitsendings van 20 mense in die 1980's tot 85,000 mense vandag gegroei. Prys die Here dat Hy FEBC gebruik om Sy koninkryk te vergroot.

Bid vir FEBC Mongolië wat dikwels saam met ander Christelike organisasieswerk om die lewenskwaliteit van die Mongoolse mense te verbeter. Hulle doen dit deur radio-uitsendings, uitreik-werk, die verspreiding van radio's en ander projekte.

FEBC se uitsendings stel luisteraars aan Bybelse beginsels, soos liefde en die belangrikheid van familiewaardes bekend. Bid dat hul programme herstel in die lewens van luisteraars sal bring.

Die Mongoolse regering het onlangs FEBC se registrasie as 'n Christelike organisasie van die hand gewys en hulle webwerf van die internet verwyder. Bid dat hierdie situasie nie 'n vaste regeringsbesluit in die toekoms word nie .

FEBC Mongolië ondersteun hulle luisteraars en bied berading aan diegene wat dit nodig het. Hulle moedig luisteraars aan om in te skakel en om met die omroepers 'n oop gesprek te voer. Bid dat die mense Jesus sal leer volg.

VERJAARSDAE

Baie geluk aan almal wat DV hierdie week verjaar!

Sondag, 30 Junie

Jsr Annelie v Vuuren

Maandag, 1 Julie

Sr Joke Botha (75) 082 840 6974

Dinsdag, 2 Julie

Jsr Annabe Bester
Jbr Rianco Rheeder 074 785 0551
Sr Christina v Zyl 079 375 5815
Br Frikkie v Zyl 082 610 9323

Woensdag, 3 Julie

Sr Marie du Plessis (75) 084 504 6640
Sr Kietjie Willemse (73) 082 413 1782

Donderdag, 4 Julie

Sr Alda Barnard 082 343 6882
Sr Elmien Halgryn 083 566 7683
Sr Carlien Kahl 072 879 8126
Br Antonie Labuschagne 082 320 8907

Vrydag, 5 Julie

Sr Ria v Deventer 083 258 4802

Saterdag, 6 Julie

Sr Corrie Rheeder

084 050 0162

DROëWORS EN BRAAIPAKKIES TE KOOP

Ons het nog pakkies braaipakkies van die Diakonie te koop.

KERKLIKE TYDSKRIFTE: KERKBLAD EN VROUEBLAD

Die kerklike tydskrifte is in die kerkkantoor beskikbaar vir lidmate wat daarop ingeteken is.

‘N MOOI INTERPRETASIE VAN DIE BETEKENIS VAN DIE “ONSE VADER” GEBED

Ek kan nie bid ONSE as ek net vir myself leef nie.

Ek kan nie bid VADER as ek nie Sy kind geword het nie.

Ek kan nie bid WAT IN DIE HEMEL IS as ek nog aardgebonde is nie.

Ek kan nie bid LAAT U NAAM GEHEILIG WORD as ek dit ydellik gebruik nie.

Ek kan nie bid LAAT U KONINKRYK KOM as ek nie Sy Woord uitdra nie.

Ek kan nie bid LAAT U WIL GESKIED as ek altyd my eie sin wil hê nie.

Ek kan nie bid om my DAAGLIKSE BROOD as ek spandabelrig lewe nie.

Ek kan nie bid VERGEEF ONS ONS SKULDE as ek nie berou het nie.

Ek kan nie bid SOOS ONS ONS SKULDENAARS VERGEWE en met 'n wrok rondloop nie.

Ek kan nie bid AAN U BEHOORT DIE KONINKRYK as ek Jesus nie dien nie.

Ek kan nie bid EN DIE KRAG as daar nog vrees in my hart is nie.

Ek kan nie bid EN DIE HEERLIKHEID as ek my lewe regeer nie.

Ek kan nie bid TOT IN EWIGHEID as ek nie Sy koms verwag nie.

Ek kan nie sê AMEN as ek nie kinderlik glo nie.

Ingestuur deur Dirk Bloem

KURATORE SE RAPPORT AAN KERKE

1. AGTERGROND

In Mei 1869 het veertien Gereformeerde Kerke in Suid-Afrika saam in hul vierde Algemene Sinode besluit om met 'n eie teologiese opleiding te begin. Net meer as 150 jaar later - op 11 Junie 2019 - het die kuratore wat verantwoordelikheid dra vir hierdie predikantsopleiding vergader.

Die voorsitter van die kuratore, ds. Piet Venter, het vanuit Jesaja 6:1-8 die kuratore opnuut bewus laat word hoe heilig en groots die Here is en hoe klein ons as mense. Vanuit die versoening deur ons Here Jesus kan elke kind van die Here egter leef en hul roeping uitleef.

2. PERSONEEL EN STUDENTE VAN TEOLOGIESE SKOOL

Die kuratore fokus in hul dienswerk in die eerste plek op die welstand van die personeel en studente van die Teologiese Skool. Ten opsigte van die personeel word gekyk na 'n basiese oorsig van die werk wat hulle doen, hul versorging asook hul lewe en werk in al ons kerke.

Vanjaar is daar 55 broers wat as bedienaars van die Woord voorberei word. Deur die Gees se werk het agt jongmanne hierdie jaar vir die eerste keer by die Teologiese Skool begin studeer. Hulle word nie net akademies gevorm nie, maar ook begelei

om in hul hele lewe konkreet saam met en vanuit die genadekrag van die Here te leef. Gedurende 2019 is agt studente besig om hulle finaal voor te berei om – as die Here dit gee – aan die einde van die jaar by die onderskeie Streeksinodes aan te meld om beroepbaar gestel te word.

Die kuratore poog om met verskillende geleenthede tydens studente se studiejare persoonlik met hulle te praat. Daar word aandag gegee aan hul persoonlike verhouding met die Here, hul vordering in hul studiewerk asook hul persoonlike lewe. Daarmee saam probeer elke Streeksinode se kuratore ook persoonlik 'n pad te stap met die studente uit die betrokke Streeksinode.

Die studente het gedurende die eerste vyf maande van 2019 op verskeie vlakke praktiese werk gedoen. Positiewe terugvoer is van die gemeentes ontvang waarbinne die studente gewerk het, met selfs versoeke dat van die praktiese werk uitgebrei word. Die derde-jaar-studente het spesifiek interkulturele blootstelling gekry waartydens hulle in 'n gemeente uit 'n ander kultuur as waarin hulle self opgegroeï het, werksaam was. Hierdie studente het opgemerk dat hulle hiermee 'n goeie insig verkry het in die lewe van medegelowiges wat soms wesenlik anders is as hul eie lewe.

3. VERHOUDING MET NWU EN ANDER OPLEIDINGSINSTANSIES

Die kuratore is tans besig om op deurlopende basis aandag te gee aan die verhouding van die GKSA en die Noordwes Universiteit. Daarmee saam word uitvoering gegee aan die opdrag van Sinode 2018 om te let op verskillende behoeftes in kerke ten opsigte van die opleiding van bedienaars van die Woord asook die toerusting van

ampsdraers en kerke. Gesprekke binne hierdie konteks is in die afgelope tyd onder andere gevoer met Mukhanyo Theological College, Dumisani Theological Institute, AROS asook Docenda.

4. TEOLOGIESE SKOOL 150 JAAR OUD

Waar die Teologiese Skool vanjaar 150 jaar oud is, word saam met die studente verskeie treë terug in die verlede gegee. Nie net het die finale jaar studente se kerkgeskiedenisroter rigting Burgersdorp gegaan nie, maar ook het die Teologiese Studentevereniging 'n bustoer na die Burgersdorp-omgewing vir alle belangstellendes gereël. Daarmee saam het 'n klompie studente onder leiding van proff. Chris van der Walt en Albert Coetsee ook 'n fietstoer vanaf Burgersdorp tot in Potchefstroom onderneem. Waar Burgersdorp die eerste tuiste was van die Teologiese Skool (vanaf 1869 tot 1903), is die studente op hierdie wyse geleentheid gegee om begrip te ontwikkel vir die ontstaansgeskiedenis van die GKSA en veral die Teologiese Skool.

Vir die res van die jaar word 'n akademiese konferensie beplan vir 18-20 September 2019 te Potchefstroom met die tema: ***Die impak van Gereformeerde Teologie***. Almal in kerkverband word uitgenooi om hieraan deel te neem (met inligting wat verkry kan word by prof Francois Viljoen (viljoen.francois@nwu.ac.za) en prof Albert Coetsee (albert.coetsee@nwu.ac.za)). Verder word kerke en klassies ook aangemoedig om self inisiatief te neem om hierdie genadedaad van die Here (150 jaar gereformeerde teologiese opleiding) te vier.

5. DIE PAD VORENTOE

Met die vergadering van die kuratore aan die einde van 2018 het die kuratore gebid dat ons Here die Teologiese Opleiding in 2019 ook weer sal seën! Na die eerste vyf maande van 2019 beleef ons hoe die Here sy seën elke dag weer sprinkel én uitstort. Ons erken Hom as die Alfa en die Omega, die Bron en Fokus van ons hele teologiese opleiding, en bid dat Hy Sy geroepenes (professore, studente en ondersteuningspersoneel) met die krag van sy Gees en die genade van ons Here Jesus sal bly toerus!

U broers in Christus

Malan van Rhyen en Pieter Kurpershoek

ALGEMENE INLIGTING

WOW-HERWINNINGSPROJEK (WEN ONS WêRELD)

Papier, plastiek, karton, glas, blikkies en polystyrene - *hoef nie gesorteer te wees nie, herwinningsitems moet wel in plastieksakke toegebind wees EN PLASTIEKBOTTELS MOET ASB PLAT GETRAP WORD. ASB GEEN huisafval nie!* Die glas/blikkies/plastiek moet asb uitgespoel wees.

LIEFDEGAWES VIR BARMHARTIGHEID (DIAKONIE)

ZAPPER (Selfoon toepassing)

Hierdie QR-simboolkode is gekoppel aan die Diakonie se rekening en **slegs bydraes vir Barmhartigheid** kan daarmee gemaak word - geen ander betalings aan die Diakonie of kerkraad nie



SOSIALE MEDIA VIR ONS GEMEENTE

Webblad: www.oosdoppers.co.za

Facebook: www.facebook.com/oosdoppers

Videos van elke ereediens kan hier gesien word: Facebookblad "Geref Kerk Potch-Oos..Videos van Preke by <http://ow.ly/ivfZ309vsdc>.

Ds Piet stuur weekliks sy preke per e-pos uit. Laat weet hulle indien jy dit wil ontvang.

KONTAKBESONDERHEDE: PREDIKANT, HULPDIENS & KANTOOR

Ds. Piet: 018 290 5635 / 082 779 1237

Hulpdiens: Ds. Pieter vd Walt –
082 851 3637

Prof. Herrie v Rooy –
083 700 3933

Hanno van Schaik - 072 105 3961

Kerkkantoor: Adele 018 290 7690 /
kerkkantoor@oosdoppers.co.za

Kosterspaar: Johan 061 336 7255
Elsa 073 959 8051



SUSTERS IN DIE GELOOF

“Om-gee-wingsbewus”

Teeskinkgeleentheid

- Baie dankie aan die groepsusters en hulle groepe se susters, broers en kinders wat met die skink en opwas help!
- Ons moedig susters en broers, selfs gesinne aan om met die skink en opwas te kom help – so leer ons mekaar en ons nuwe groepe beter ken!



Tee word **vandag** deur die volgende groeplede en hul groepsusters bedien: Annetjie Vermeulen en groep 3, groep 12, Corné Geyer en groep 22, asook Ina Jordaan en groep 32 .

Volgende week skink Lorette Bester en groep 4, Ria Robberts en groep 13, Chanelle v As en groep 24, asook Carina Smits en groep 33 se susters, tee. Baie dankie julle!

Sustersbydrae

Die susters se fondse word uit elke suster se vrywillige bydrae (R150 per jaar) verkry asook die fondse wat tydens fondsinsamelingsgeleentheid geïen word. Hierdie geld word gebruik om na minderbevoorregtes uit te reik en daar word jaarliks aan verskillende verdienstelike instansies, donasies gegee.

BAIE DANKIE AAN ONS BORG VAN DIE WEEK!

VIVIERS INGELYF **PROKUREURS**

Skakel Pierre Viviers vir die volgende regsdiens:

- * Opstel van testamente
- * Boedel- en aftreebepanning
- * Beredding van bestorwe boedels
- * Stigting van trusts
- * Registrasie van onroerende eiendom
- * Siviele litigasie – Hoë- en Landdroshof
- * Skuldinvorderings
- * Huweliksvoorwaardeskontrakte
- * Lugvaartregsdienste
- * Lugvaartversekering – FSP nommer 43890

Eerstevloer
Octrongebou
James Morokalaan 62
Potchefstroom
☎ (018) 297-5201 k/u
pierre@viviersattorneys.co.za

Agenda

Potch-Oos Geref. Gemeente 'n Gemeente se Waardes & Kultuur

14 Julie 2019
10:30 tot 17:00

Ons Hoofdoel – (Missie)

“Potch-Oos is uit genade gered om in Bailliepark, deur Sy liefde en wil gedrewe, meer soos Christus te word; tot Sy eer mekaar in liefde en met Sy gawes op te bou, en verlore skape met liefde in die kudde terug te bring terwyl ons met vreugde, vaste hoop en verlange op sy Wederkoms wag.”

Vergadering byeengeroep deur:

Die Kerkraad

Soort Vergadering:

Vlamvat Waardesdag

Fasiliteerder:

Ds Richard Verreyne

Teenwoordig:

Kerkraadslede, Bedieningsleiers en uitnodiging aan alle Gemeentelede

Bring asseblief:

Jou Bybel, pen en notaboek

Agendapunte

10:30 - 11:00	Kom saam na die erediens en geniet 'n welkome koffie/tee	
11:00 – 11:15	Openingsopmerkings en Gebed	Ds Piet
11:15 - 11:45	OP DATUM TERUGVOER: <ul style="list-style-type: none">• Gebedspan & Gebedsinisiatief – Elsie• Geestelike Gawes & Plasingsproses – Huib• Voorskool & Skoolgaande Jeugbediening – Heleen<ul style="list-style-type: none">• Naskoolse Jeugbediening – Hanno• Evangelisasie & Uitreik - Naas• Oosdoppers Vlamvatpad vorentoe – Ds Piet	Ds Richard
11:45 - 12:45	Waardes, Kultuur en die W.E.L.L. Bedieningsmodel	Ds Richard
12:45 - 13:30	MIDDAGETE	
13:30 - 14:30	Opstel van Werkgroepe: 1ste Ronde – Waardes/Kultuur	Ds Richard
14:00 - 15:15	Werkgroepe 2de Ronde: W.E.L.L. <ul style="list-style-type: none">• Worship – Aanbidding & Erediens• Evangelism – Uitreik & Evangelisasie• Learning – Toerusting & Opleiding (Kinders)• Loving – Oosdoppers Warme Welkom, Mekaar	Hanno Naas Heleen Rieëtte
15:15 - 15:25	KOFFIE/TEE	
15:25 - 16:15	Werkgroepe (gaan voort) 3de Ronde: Voorstelle formuleer	
	Werkgroepe: Terugvoer	Werkgroepleiers
16:45 – 17:00	Afsluiting	Ds Piet

